

植物名實圖考長編

十二

植物名實圖考長編卷之七

固始吳其濬著

蒙自陸應穀校刊

隰草

菊花

附藝菊法

史正志菊譜

樂休園菊譜

劉蒙菊譜
范成大菊譜

著實

菴蘭子

白蒿

地黃

麥門冬

藍

天名精

附鶴蝨

地菰

稀莨

牛膝

茵陳蒿

石龍芻

茺蔚子

蒺藜子

薇銜

車前子

決明子

地膚子

續斷

漏蘆

飛廉

馬先蒿

角蒿

蠡實

款冬花

蜀羊泉

玫瑰

敗醬

酸漿

苦耽

藁耳

麻黃

紫苑

女苑

附

瞿麥

猗菜

唐本草猗菜味苦寒有小毒主熱蠱煩滿不能食生搗汁服三四合多則令人吐注云葉似酸漿而狹長花黃白色一名火蕒田野皆識之

圖經曰猗菜俗呼火欬草本經不著所出州郡今處處有之春生苗葉似芥菜而狹長文麤莖高二三尺秋初有花如菊秋末結實頗似鶴虱夏採葉暴乾用近世多有單服者云甚益元氣蜀人服之法五月五日六月六日九月九日採其葉去根莖花實淨洗暴乾入甌中層層洒酒與蜜蒸之又暴如此九過則已

氣味極香美熬搗篩蜜丸服之云治肝腎風氣四肢麻痺骨間
疼腰膝無力者亦能行大腸氣諸州所說皆云性寒有小毒與
本經意同惟文州高郵軍云性熱無毒服之補虛安五藏生毛
髮兼主風濕瘡肌肉頑痺婦人久冷尤宜服用之去麤莖留枝
葉花實蒸暴兩說不同豈單用葉乃寒而有毒并枝花實則熱
而無毒乎抑繫土地所產而然耶

成訥進猗蘇丸方表臣有弟訢年三十一中風床枕五年百醫
不差有道人鍾鍼者因覩此患曰可餌猗蘇丸必愈其藥多生
沃壤高三尺節葉相對其葉當夏五月已來收每去地五分剪

刈以溫水洗泥土摘其葉及枝頭凡九蒸九暴不必大燥但取蒸爲度仍熬搗爲末丸如桐子大空心溫酒或米飲二三十丸服至二千丸所患忽加不得憂慮是藥攻之力服至四千丸必得復故五千丸當復健壯臣依法修合與訢服果如其言鍾鍼又言此藥與本草所述功效相異蓋出處盛在東彼土人呼猪爲狶呼臭爲𦵏氣緣此藥如猪𦵏氣故以爲名但經蒸暴𦵏氣自泯每當服後須喫飯三五匙壓之五月五日採者佳奉宣付醫院詳錄

張詠進狶𦵏丸表臣因換龍興觀掘得一碑內說修養氣術并

藥方二件依方差人訪問採覓其草頗有異金棱銀線素根紫
荻對節而生蜀號火杵莖葉頗同蒼耳誰知至賤之中乃有殊
常之效臣自喫至百服眼目輕明卽至千服鬚鬢烏黑筋力校
健效驗多端臣本州有都押衙羅守一曾因中風墜馬失音不
語臣與十服其病立痊又和尚智嚴年七十忽患偏風口眼喎
邪時時吐涎臣與十服亦便得差今合一百劑差職員史元奏
進

救荒本草稀莼俗名粘糊菜俗又呼火杵草今處處有之苗高
三四尺金棱銀線素根紫稽莖又對節而生莖葉頗類蒼耳莖

葉絞脈堅直梢葉間開花深黃色又有一種苗葉似芥葉而尖狹開花如菊結實頗似鶴蝨科苗採嫩苗葉焯熟浸去苦味淘洗淨油鹽調食

本草綱目李時珍曰常聚諸草訂視則豬膏草素莖有直稜兼有斑點葉似蒼耳而微長似地菰而稍薄對節而生莖葉皆有細毛肥壤一株分枝數十八九月開小花深黃色中有長子如同蒿子外萼有細刺粘人地菰則青莖圓而無稜無斑無毛葉皺似菘芥亦不對節觀此則似與成張二氏所說相合今河南陳州采豨薺充方物其狀亦是豬膏草則沈氏謂豨薺卽豬膏

母者其說無疑矣蘇恭所謂似酸漿者乃龍葵非豨薺蓋誤認
爾但沈氏言世間單服火杵乃是地菰不當用豬膏母似與成
張之說相反今按豨薺豬膏母條並無治風之說惟本經地菰
條有去痺除熱久服輕身耐老之語則治風似當用地菰然成
張進御之方必無虛謬之理或者二草皆有治風之功乎而今
服豬膏母之豨薺者復往往有效其地菰不見有服之者則豨
薺之爲豬膏尤不必疑矣

牛膝

本草經牛膝味苦酸主寒濕痿痺四肢拘攣膝痛不可屈伸逐血氣傷熱火爛墮胎久服輕身耐老一名百倍

別錄爲君平無毒療傷中少氣男子陰消老人失溺補中續絕填骨髓除腦中痛及腰脊痛婦人月水不通血結益精利陰氣止髮白生河內川谷及臨朐二月八月十月採根陰乾陶隱居云今出近道蔡州者最長大柔潤其莖有節似牛膝故以爲名也乃云有雌雄者莖紫色而節大爲勝爾

圖經牛膝生河內川谷及臨朐今江淮閩粵關中亦有之然不

及淮州者爲真春生苗莖高二三尺青紫色有節如鶴膝又如牛膝狀以此名之葉尖圓如匙兩兩相對於節上生花作穗秋結實甚細此有二種莖紫節大者爲雄青細者爲雌二月八月十月採根陰乾根極長大而柔潤者佳莖葉亦可單用葛洪治老瘡久不斷者取莖葉一把切以酒三升漬服令微有酒氣不卽斷更作不過三劑止唐崔元亮海上方治瘡用水煮牛膝根未發前服

本草衍義牛膝今西京作畦種有長二尺者最佳與薤酒浸服益腎竹木刺入肉嚼爛罨之卽出

救荒本草山莧菜本草名牛膝俗名腳斯躋又名對節菜苗高二尺已來莖方青紫色其莖有節如鶴膝又如牛膝狀以此名之葉似莧菜葉而長頗尖觔葉皆對生開花作穗採苗葉燂熟換水浸去酸味淘淨油鹽調食

本草綱目李時珍曰牛膝處處有之謂之土牛膝不堪服食惟北土及川中人家栽蒔者爲良秋間收子至春種之其苗方莖暴節葉皆對生頗似莧菜而長且尖觔秋月開花作穗結子狀如小鼠負蟲有濇毛皆貼莖倒生九月末取根水中浸兩宿掇去皮裏紮暴乾雖白直可貴而搽去白汁入藥不如留皮者力

大也嫩苗可作茱茹

廣西通志接骨草卽土牛膝又名四季花莖綠而圓葉長而尖
跌傷骨節搗爛敷之立效

按江西土醫治喉蛾用土牛膝根搗汁以鹽少許和之點入
喉中須臾血出卽愈雖極危亦可治試之良驗又以墮胎力
極猛有致死者見訟牘

廣雅疏證牛莖牛薺也御覽引吳普本草云牛薺生河內或臨
邛葉如夏藍莖本赤又引廣雅牛莖牛薺也各本莖譌作莖今
訂正廣韻莖經並戶耕切說文經牛薺下骨也牛莖之名殆取

此義與抱朴子黃白篇云俗人見方用鼠尾牛膝者謂之血氣之物也

茵陳蒿

本草經茵陳蒿味苦平主風濕寒熱邪氣熱結黃疸久服輕身
益氣耐老

別錄微寒無毒主通身發黃小便不利除頭熱去伏瘕久服面
白悅長年白兔食之仙生太山及邱陵坂岸上五月及立秋採
陰乾陶隱居云今處處有似蓬蒿而葉緊細莖冬不死春又生
惟入療黃疸用仙經云白蒿白兔食之仙而今茵陳乃云此恐
是誤爾

本草拾遺茵陳本功外通關節去滯熱傷寒用之雖蒿類茵細